

M221: Millstätter Sündenklage

0,1 Wol du heiligir christ .
0,2 du ein warer got bist
0,3 paradisi porta .
0,4 meister des hellewarten
0,5 Den gebant din hant .
0,6 do in din gotheit ubirwant
0,7 In der helle bist u zornich .
0,8 in himelrich genaedich .
0,9 du bist rex regu- .
0,10 in secla seculorum
0,11 paradises herre .
0,12 der erde scephaere
0,13 In den himelen bist u got .
0,14 der sunne leistet din gebot .
0,15 ioch div maeninne .
0,16 lovhtet dar zuo in minne .
0,17 div nimet abe so du wil .
0,18 so du gebiutest so ist ir uil .
0,19 Von den zwein lihten
0,20 diu du geschuoffe uon nihte .
0,21 ist div werlt alle
0,22 liht unz an die helle .
0,23 div ne mag es niht gewinnen .
0,24 da ist immir uinstir inne .
0,25 swie vil viures brinne .
0,26 Herre dine chnehte .
0,27 alle minnent dich mit rehte .
0,28 ein got mirabilis
0,29 so du geschriben bist .
0,30 du bist herre wunderlich .
0,31 dir en ist niht gelich .
0,32 du bist mennisc uil starch ist din gebot .
0,33 und bist doch der ewige got .
0,34 Dv bist der heilige geist .
0,35 unde bist doch bein unde uleisch .
0,36 Dv bist uater unde chint .
0,37 du bist regen unde wint .
0,38 Dv bist Lewe du bist lamp .

0,39 du bist churz du bist lanch .
0,40 dv bist rich du bist arm .
0,41 diu bist chalt du bist warm .
0,42 du bist lip du bist tot .
0,43 du bist genade ane not .
0,44 du bist suozze du bist scharfe
0,45 du bist weich du bist starch .
0,46 du bist uinster du bist lieht .
0,47 du bist leit du bist liep .
0,48 du bist blod du bist balt .
0,49 du bist ivnch du bist alt .
0,50 daz ist alliz an dir .
0,51 z wiv uerhanchtest du mir .
0,52 daz ich cherte uon dir .
0,53 nu bitte ich ivch namen dri .
0,54 doch ich s unwert si .
0,55 daz ich iuch nenne .
0,56 ich wil ivch doch erchennen .
0,57 gewert mich s ivr genade .
0,58 daz ir mich enphahet .
0,59 Du vater uon den himelen .
0,60 unde din heilige sun
0,61 unde din heiligir geist .
0,62 wan du selbe wol weist
0,63 daz mich nu ze stunde .
0,64 riwent mine sunde
0,65 Nv uernim mine stimme .
0,66 denche hin ze diner muotir minne .
0,67 und ovch daz du ie vernam
0,68 Tobiam unde saram .
0,69 und durch daz ophir daz dir Abraham gap .
0,70 do in din stimme sines sunes bat .
0,71 Nv uernim mich sundigen man
0,72 wand ich gandert han .
0,73 einen sun der sinen uater bat .
0,74 daz er im sinen teil gap .
0,75 alles sines guotes .
0,76 daz er mit ubirmuote .
0,77 unde mit huore .
0,78 allez zefuorte .
0,79 unde mit sunden so gare uerswante .
0,80 daz er niht en habete .
0,81 do begunde er halten div swin .
0,82 daz was div lipnar sin .
0,83 die wrzzen die daz swin gruop .
0,84 die dovhten in uil guot .
0,85 daz er sich da mit nerte .
0,86 wan er andirs niht en habete .

0,87 do gedahte im der arme .
0,88 waz ob ich minem uater erbarme .
0,89 daz ich im halte div swin .
0,90 ia habent dei mietlovte sin .
0,91 brot unde win genuoch .
0,92 waz ob er mich heim tuot .
0,93 er meinte mich mit triwen .
0,94 unde hat umbe mich michil riwe .
0,95 waz ob ich bin so saelich
0,96 unde waz ob er mir wirt genaedich .
0,97 do begunde er gahen hinnen .
0,98 do enphiench in mit minnen
0,99 der sin uater guote .
0,100 wande er im erbarmote
0,101 Ich uil armer sunaere .
0,102 ia furhte ich mir so sere .
0,103 ich sorge also harte .
0,104 ze den dinen starchen Worten .
0,105 dei snident so div strale
0,106 dei dulde ich herre sware .
0,107 si uarent sam die wurfstein .
0,108 ia ne mach sich unsir sunaere dehein
0,109 nimmir da uor bewarn .
0,110 den si vil stanche wellent taren .
0,111 dir sint herre in chunde .
0,112 alle meres grunde .
0,113 dei mere al ioch die sewe .
0,114 die buhele ioch die lewer .
0,115 ulivhe ich an daz meres ort .
0,116 da uindet mich daz din wort .
0,117 oder in daz apgru-de .
0,118 wie schiere ez mich da uindet .
0,119 der walt deheinen bovum hat .
0,120 du ne wizzest wol wa er stat .
0,121 Ioch daz uinstir tan .
0,122 da ne mach sich dehein man .
0,123 nindir inne uerbergen
0,124 div holir in der erde .
0,125 ioch die ueltsteine .
0,126 die weist du trohtin eine .
0,127 ulivhe ich indir dar in .
0,128 da uindet mich daz wort din
0,129 Dir sint herre in chunde .
0,130 die berge . hohe unde grunde
0,131 daz hast du also geschaffen .
0,132 ze solichen gemachen .
0,133 daz ez ovf niht en stat
0,134 wande du ez allez hast .

0,135 ovf diner hende .
0,136 unz an die stunde
0,137 daz din urteil sol ergan .
0,138 ubir wip und ubir man
0,139 daz allez sol uerbrinnen .
0,140 da bist du ein rihtaere
0,141 den guoten mit minnen .
0,142 den ubilen mit grimme .
0,143 so bist du rehtir rihtaer danne
0,144 Obe ich daz rehte uernim .
0,145 so ez die wissagen habent geschriben .
0,146 so wirt da ein her gerihte
0,147 ein urteil mit chreften .
0,148 daz ze jungest wesen sol .
0,149 ubir dise werlt al .
0,150 da ne hilfet div liute .
0,151 silbir noch golt daz rote
0,152 noch miete div maere .
0,153 noch phenninge swaere
0,154 noch lantrecht noch phaht .
0,155 da rihtet got mit siner chraft .
0,156 da ne hilft spachiu zunge .
0,157 noch der herre sinem manne .
0,158 noch der man sinem herren .
0,159 swie breit im sin div lehen .
0,160 der uoget da ne hilfet .
0,161 swie gare er bestrovffet
0,162 den sinen armen uogetman .
0,163 er ne getar da lovt werden .
0,164 da rihtet got mit rehte .
0,165 dem herren ioch dem chnehte .
0,166 der urovwen ioch der diwe .
0,167 swie harte uns unsir sunde riwe .
0,168 so ist ez danne ze spate .
0,169 wir schulen ez . e . behuoten .
0,170 So werdent da gescheiden .
0,171 die lieben uon den leiden
0,172 die saeligen ze der zeswen .
0,173 die sint die uz erlesen
0,174 bi den ewigen genaden .
0,175 mit den sin wir geladen
0,176 So werdent ovch da geschichet .
0,177 die leider dicke
0,178 da widir got worhten .
0,179 ir schephaer niene vorhten
0,180 uil uerre ze der winstere .
0,181 in die ewigen vinstere .
0,182 in die helle uram .

0,183 neheines leides ist si wane .
0,184 da ist woft unde we .
0,185 unde sol ouch nimmir zergen .
0,186 weinen unde suoftot
0,187 da ist hellewizze not .
0,188 da ist zane grisgrammen
0,189 dar inne brinnet uivres flamme .
0,190 mit peche unt mit viwere .
0,191 lonet in der tivuel .
0,192 daz beginnet manegem man .
0,193 trieffen an sine zungen san
0,194 Da ne get uz andir lon
0,195 wan mit uivringen bandon
0,196 Da beginnet er si binden .
0,197 in fuozzen und ouch in handen .
0,198 so en tuot in niweht so not .
0,199 so des tiuuels getat .
0,200 der ist also ureissam .
0,201 an ze sehen dem man .
0,202 daz im daz sam we tuot .
0,203 sam daz uivr ioch div gluot .
0,204 so grinet si an der Satanat .
0,205 da ist deheines leides . undirlaz .
0,206 Belzebup der ubele .
0,207 der hat andirs niht ze gebene .
0,208 wan urost unde hungir .
0,209 daz gibet er da ze helle .
0,210 andirhalp die hitzze .
0,211 da muozzen si inne sitzzen .
0,212 da zuo git er in ovch .
0,213 den siech brinnunden rovch .
0,214 ze nasen ioch ze den oren .
0,215 da ne mach nieman niht gehoren .
0,216 niwan die ungehiuren .
0,217 des tieuels hiwen .
0,218 So wenec sie sint geborn .
0,219 so get des unseren schephaeres zorn
0,220 ubir die uiant sin .
0,221 so muozzen si verteilet sin
0,222 so sol div werlt elliv zergen .
0,223 siniu gotlichiu wort schulen gestalten .
0,224 unde sin riche
0,225 [...]chen[...] .
0,226 daz ne mach nimmir z[...][...] .
0,227 da richsent got inne .
0,228 immir
0,229 unde dar uberhine
0,230 da lonet uil schone .

- 0,231 der himilchunich urone
0,232 joch den wiben ioch den mannen .
0,233 mit den m[...]st[...][...][...]
0,234 die dar mennischlich zunge .
0,235 niemmir mach uolbringen .
0,236 So heizzet er si wisen
0,237 in daz schone paradise .
0,238 da ist lieb unde liht
0,239 da ist dehein ungenade niht .
0,240 da ist minne ane nit .
0,241 urovde ane strit .
0,242 da ist lip ane tot
0,243 genade ane not .
0,244 da ne st urost noch hunger
0,245 da ne brennet si div sunne .
0,246 da ne altet nieman
0,247 wan si schulen immir iugent han .
0,248 da ist dehein angst .
0,249 der engele sanges .
0,250 urovwent sich die menege .
0,251 da in gotes himile
0,252 da ist aller genaden staete .
0,253 ir ovgen . sich nimmir gesatten .
0,254 des gotes antluzzes .
0,255 da si uor im sizzent .
0,256 uil lieb er in ze sehen ist .
0,257 so spricht der heilige christ .
0,258 “Wol ir immir liebiv chint .
0,259 ir mit mir hie bint
0,260 iezuo alle geliche .
0,261 nu get in daz himelriche .
0,262 da ir sullet twellen .
0,263 ich wil iv selbe eruullen .
0,264 swaz ir mir ie ze liebe habet getan .
0,265 daz schult ir nu wider emphan”
0,266 So wirt da michil urovde
0,267 uber alle die menege .
0,268 die urivnt ioch die mage
0,269 den sol sin lieb alle dare .
0,270 uil wol erchennent si sich
0,271 si sehent got taegelich .
0,272 er sach in [...][...]
0,273 der daz sol garnen .
0,274 daz er da sihet
0,275 die michelen mandunge .
0,276 da schulen wir ie denchen umbe .
0,277 daz wir si gewinnen .
0,278 Nu chum ich uatir unde sun .

0,279 zuo iuwerem tron .
0,280 und ze dem heiligem ateme .
0,281 daz er mir rate .
0,282 wie ich die selben genade muge erarne
0,283 wande ich mennisch arme .
0,284 mich dicke han uersovmet .
0,285 wie sere mich daz riuwet
0,286 Ich armir meintaete .
0,287 mir en helfe iuwer guote .
0,288 so bin ich gescheidin uon iv drin
0,289 wand ich der allerarmist bin .
0,290 aller slahte guote .
0,291 daz furhte ich herre noten .
0,292 Ich wolde e sunten mit gewalte .
0,293 din gebot niweht behalten .
0,294 ich bin din intrunner schalch .
0,295 uon div uurhte ich dinen slach .
0,296 wand ich uon dineme dienste .
0,297 uloch swa ich z weste .
0,298 da man dir dienote .
0,299 dar ich niht en wolte .
0,300 widir dich ranch ich
0,301 von diu ruoge ich mich .
0,302 unde chume in dine gewalt .
0,303 ich bin idoch din eigenscalch
0,304 Du hast erchoufot mich wilen .
0,305 mit dinem irdescen libe
0,306 mit tode dem grimmen .
0,307 herre woldest du mich dir gewinnen .
0,308 durch dine suozze minne
0,309 daz was herre michil reht
0,310 sit min lip ist din chneht .
0,311 daz er enphiench dinen slach
0,312 nu sihe ich wol daz ich en mach
0,313 niemmir dir entrinnen .
0,314 nu wil ich widir sinnen
0,315 dine hulde wil ich gewinnen .
0,316 Waol du heilig christ .
0,317 du dir min rehtir uatir bist der din
0,318 sun herre bin ich .
0,319 uon div ruoche horen mich
0,320 wan ich han gesundet .
0,321 nu sol iz sin gechundet
0,322 in den himelen uor dir .
0,323 daz ruoche du vergeben mir .
0,324 der minen sunden ist so vil
0,325 der ich dir nu chlagen wil . swaere unde
0,326 ubirgenuoge .

0,327 nu wil ich mich selben ruogen
0,328 e mich min widirwinne .
0,329 ruogen beginne
0,330 der leidige hellewarte .
0,331 der hat gebruofet harte .
0,332 mine manege missetat .
0,333 Lucifer si gescriben hat .
0,334 unde wil die brieue bringen .
0,335 ze dinem tagedinge .
0,336 unde wil da ruogen den rat .
0,337 den er mir getan hat .
0,338 die mine sunte manichualt .
0,339 die sint chomen in sine gewalt .
0,340 ich furhte ob ich si spare .
0,341 ze dem iungisten tage .
0,342 daz ich s chume in michil not .
0,343 wande niht entwelt der tot
0,344 der nahet allertaegelich .
0,345 uon diu dinge ich an dich .
0,346 Nv hilf mir got der guote
0,347 durch den willen diner muotir .
0,348 daz ich z . e . [...] [...] allerherist .
0,349 nu wil ich ruogen erist
0,350 die mine arme fuozze .
0,351 den waren gar ze suozze
0,352 in die sundirstige .
0,353 ze den ubilen wiben
0,354 die der tieuil hat gestellet .
0,355 da er manege bevellet .
0,356 daz sint siniv nezze .
0,357 da er si in hat gehezzet
0,358 vil diche tage ioch naht .
0,359 daz ich ez errechen niene mach .
0,360 ze huore waren si gereht .
0,361 ze chiuse waren si gebrech .
0,362 ze rovbe was in so liep .
0,363 si ne vuoren guotes weges niht .
0,364 da waren si zuo ringe
0,365 der wech in ze swaere .
0,366 ze mettin unde ze misse .
0,367 da ich ie din dienst wesse .
0,368 da uerrieten si mich
0,369 die vuozze bringe ich schuldige fur dich .
0,370 daz du nu uber si rihtest .
0,371 swie du trohtin wellest .
0,372 iegelicher harmschare .
0,373 daz min sele nine uare .
0,374 in die helleporte .

0,375 gesundet han ich harte .
0,376 des bitte ich durch dei gebente
0,377 diner hende .
0,378 die du den Juden gaebe
0,379 do si dich geuiengen .
0,380 herre nu vernim du mich
0,381 wande ich dinge an dich .
0,382 Nu wil ich ruogen miniv chniv .
0,383 uil selten bruht ich si ze div
0,384 daz si uielen fur dich .
0,385 anderswar chniete ich
0,386 daz ist ovch herro dem ung[...][...]
0,387 daz ich [...][]
0,388 in daz hor und in den mist
0,389 durch wertliche lust .
0,390 unde durch uppigen spot
0,391 daz chlag ich herre got
0,392 du . rihte uber si herre
0,393 unde vergip ez miner sele .
0,394 geruoche mir genaden
0,395 durch die uillate .
0,396 die dir die Juden taten
0,397 do si dich marteroten .
0,398 Nv ruoge ich mennisc arme .
0,399 die hende die arme
0,400 die meintaten wil ich betrahten .
0,401 sie chunden verrihten
0,402 die manichualten sunde .
0,403 die si vvider dine hulde .
0,404 taten allertagelich .
0,405 die bringe ich schuldich fur dich .
0,406 si griffen zuo den swerten
0,407 si sluogen mit den fovsten .
0,408 si rovbeten unde branten .
0,409 sumelich si blanten .
0,410 si beherten unde bestiezzten .
0,411 durch dich si daz en liezzten
0,412 den witewen unde weisen .
0,413 unde namen ie den goteshovsen .
0,414 daz si ze rehte solden haben
0,415 daz wil ich dir herre chlagen
0,416 Daz si sich burgen .
0,417 uor den mennischen armen .
0,418 der ne wolden si sich nine erbarmen .
0,419 daz si si in ladeten
0,420 si mit hulde habeten .
0,421 noch gab in gewaete .
0,422 noch ie geraete

0,423 den ellenden .
0,424 durch den dinen willen
0,425 an den si nie gedahten .
0,426 ir ophir nie si brahten
0,427 ze dineme altare .
0,428 die solt du uillen ze ware
0,429 herre uber die solt du rihten .
0,430 die sint schuldige der ire phlihten
0,431 vergip ez miner sele .
0,432 durch dines lidenes ere
0,433 do du ze dem chruzze gienge .
0,434 do dich die Juden viengen .
0,435 unde dich dar an hiengen
0,436 Genaediger herre .
0,437 nu wil ich ruogen mere
0,438 min herze ist mir enzundet .
0,439 mit wrzzen aller sunden
0,440 daz solt ein fundamentu- sin .
0,441 [...] [...]
0,442 daz gebet daz der man tuot .
0,443 daz en ist ze nihte guot
0,444 ob ez von herzzen nine stiget
0,445 do ez waere bezzer verswiget .
0,446 min herzze ist dir entgangen .
0,447 des bin ich beswichen .
0,448 ubir ...elen .
0,449 unde hat dar uz uertriben
0,450 die gotlichen minne .
0,451 unde povwet me dar inne
0,452 Vbirmuot div ist sogetan .
0,453 div vellet manegen man .
0,454 div ualte uon himele .
0,455 Lucifer mit menege .
0,456 div hat ovch mich eruellet
0,457 unde hat ouch an mir gestellet .
0,458 hvor unde vleislich gelust
0,459 unde andir manich achust .
0,460 wuot unde tobeheit
0,461 unde luge uil breit .
0,462 und haz unde nit .
0,463 unde zorn unde strit
0,464 unde bispraeche .
0,465 unde lanchraeche .
0,466 huoch und ubil spot
0,467 danne erlose mich got .
0,468 daz mich din gesinde
0,469 dar an nine unde .
0,470 daz ich . selde gewinne

0,471 herre bi diner minne .
0,472 unde den genaden dinen
0,473 da ze dem paradise .
0,474 do hilf du mir [...] [...] gotessun .
0,475 durch dines uatir willen
0,476 und durch des heiligen chruzzis erbe
0,477 daz du herre truoge mit eren .
0,478 nu erlose mine sele
0,479 Trohtin ewarte .
0,480 nu wil ich ruogen harte
0,481 daz allerwirsiste uleisch .
0,482 daz ich an mir iender weiz
0,483 die zungen mit dem munde
0,484 die vil manege sunde
0,485 widir dir worhten .
0,486 dich si niene vorhten .
0,487 si sprach div ummaeren wort
0,488 si riet huor unde mort
0,489 roub diube unde manslaht .
0,490 swa so si mahte
0,491 ouch sagete si anderem man .
0,492 daz si selbe niht vernam
0,493 si redete mit dem munde .
0,494 lukiz urkunde
0,495 durch miete ioch durch ruom
0,496 iach si trugelichen wistuom .
0,497 IR lantlovte n[...] [...] als in der gluote .
0,498 als in der gluote .
0,499 umbe eigenwip unde ir hiwen .
0,500 die lie si nindir beliben
0,501 wie si habe unrehte gewinne
0,502 da begunde si sinnen .
0,503 si ne welle si geliche [...] [...] si muoz ez immir enkelten .
0,504 si muoz ez immir enkelten .
0,505 swaz si versolte
0,506 ez wirt ir vergolten
0,507 dar umbe brennet . die sele
0,508 so der lip lit in der unere
0,509 wan si uerswor sich allertaegelich
0,510 niene en schamete si sich .
0,511 des si widir dich missetete
0,512 si minnete unrehte sete .
0,513 in tranche joch in azze
0,514 si en chunde dehein mazze .
0,515 unde trouc gare mit ubeln listen
0,516 minen ebenchristen .
0,517 [...] [...] beidiv ze spotte ioch ze hone

0,519 gahete ie min zunge .
0,520 der sunten brunne
0,521 z allen ziten uz ir uloz .
0,522 daz mir die sele gare verlos
0,523 ja rafste ich si ze selten .
0,524 ez ist nu chomen ze rechter gelte .
0,525 mit munde mit zunge
0,526 dienete ich ie der helle .
0,527 unde dem hellewarten
0,528 z ware truwete ich dinen Worten .
0,529 daz si mir rieden
0,530 daz solde ich alle uermiden .
0,531 Ich chlage dir min groziu schulde
0,532 nu nim mich in dine gotliche hulde
0,533 des bitte ich dich durch die drie nagele
0,534 die dir wrden geslagene .
0,535 durch die hende und ouch durch fuozze .
0,536 daz sich mine sele iemer menden muozze .
0,537 in dem paradise urone
0,538 oben in dem zehenten chore .
0,539 mitsamt dir vil scone
0,540 Dv cheisir aller chunegē .
0,541 du [...] [...] aller himele .
0,542 du geruoche mich herre erhoren
0,543 nu wil ich ruogen miniv oren .
0,544 dei sich also dicke bewullen
0,545 swaz ich in allen minen sunden
0,546 ie gevrumte in huore widir dir .
0,547 miniv oren brahten ez mir .
0,548 mit deheinem ubelem wibe .
0,549 daz [...]e[...] .
0,550 Swa si mir die liebten
0,551 daz durch dich ich daz ne liezze .
0,552 ich en vlure dine hult
0,553 daz was herro der oren scult
0,554 swa diu zunge den rovp riet .
0,555 da was den oren zuo liep
0,556 diube manslahte .
0,557 tages oder nahtes
0,558 miniu beidiu oren herre .
0,559 sint schuldich mere
0,560 an ungetriuwem rovnē .
0,561 die mich [...] [...]
0,562 dar cherte ich div oren .
0,563 si n wolten [...] [...] gerne horen .
0,564 So mich arme liute
0,565 durch dinen willen baten .
0,566 tranches oder azzes

0,567 die vernam ich lazze .
0,568 si horten s ungerne
0,569 scieden danne mit zorne .
0,570 Swa ich ie dir nahote
0,571 da uerrieten si mich drate
0,572 swenne ich in der chirchen .
0,573 uor dir wolde chnien
0,574 so ich da [...] [...] ne uernam .
0,575 wedir wip oder man
0,576 [...] [...] mohte ich singen .
0,577 so was min gebet ergangen
0,578 [...] [...] mir sa in muote .
0,579 miniv oren ez [...] [...]
0,580 uber die solt du z rihten .
0,581 mine sch[.]ne[.] din here
0,582 durch die rede die du taete .
0,583 widir din here muotir .
0,584 do du an dem chruzze ersturbe
0,585 und du si beuulhe .
0,586 dem guoten sancte Johanne
0,587 dem heiligem manne .
0,588 ein maget sunder [...] [...]
0,589 Nu ruoge ich christ . gotes sun
0,590 dir als die allersculdigistun
0,591 beidiu miniv ovgen herte .
0,592 dei waren leu[...] [...]
0,593 [...] [...]
0,594 des tages unde nahtes .
0,595 swa vruo unde spate
0,596 iht widir dir getaten
0,597 sit ich [...] [...] mohte scouwen
0,598 dar wisten mich div ougen
0,599 swar mine fuozze giengen .
0,600 da si die sunde mohten [...] [...]
0,601 swelhir slahte so si was .
0,602 dei miniu ougen wisten mir die stat .
0,603 swa mir div chniu verhanchten
0,604 des ich sunte habete .
0,605 oder swa mir ubiles was gach
0,606 diu ovgen wisten mich der nach
0,607 swaz die hende ie worhten widir dir .
0,608 ubir [...] [...]
0,609 dar wisten mich div ovgen .
0,610 swaz ie tougen
0,611 daz herze gedahte
0,612 miniv ovgen ez uolbrahten
0,613 swaz die zunge mit dem munde .
0,614 ze ubile [...] [...] dir sprechen chunde .

0,615 so si z geredete algar .
0,616 miniu ougen wisten mich dar .
0,617 Swaz ich sundigir man
0,618 mit den oren herre ie vernam .
0,619 des minen lip ich sculdigen ch[...]de[...] tuon .
0,620 miniv ovgen hulpen mir ie dar zuo .
0,621 si rieten mir genote .
0,622 daz ich missetaete
0,623 Dei sint herre schuldich .
0,624 unde geliche aller nen lip .
0,625 unde elliv lit miniv .
0,626 die elliu bringe ich schuldigiv .
0,627 in dine gewalt .
0,628 wan ich bin din eigenschalch .
0,629 dar ubir rihte du genote
0,630 und al nach dinen genaden .
0,631 unde uergip ez miner sundigen sele
0,632 wande si s uerhanchte ungerne
0,633 Nu vernim die chlage mine .
0,634 durh willen der pine
0,635 die du erlite durch mich .
0,636 daz han ich uerdient umbe dich
0,637 wis mich losende .
0,638 mit diner hende
0,639 uz aller miner not .
0,640 durch din heiligez bluot
0,641 herre got Sabaoht .
0,642 rex angelorum
0,643 nu scolt du mich erhoren
0,644 durch die waren triwe
0,645 also du vername dine diuwe
0,646 erhortest Maria- . unde Martham
0,647 die umbe dich irdigiten .
0,648 daz du lazaru- soltest heizzen lan daz grap .
0,649 der drie tage begraben was
0,650 in den selben namen bitte ich dich
0,651 daz du gelibhaftigest mich .
0,652 gip mir urstende
0,653 aller miner sunden .
0,654 durch dinen heiligen tot
0,655 den du durch unsir not .
0,656 herre an dem cruce irsturbe
0,657 e du ze helle uuore .
0,658 daz du die dine alle
0,659 lostes von der helle .
0,660 durch die selben losunge
0,661 bittet dich min zunge .
0,662 daz du irlostest mine sele

0,663 an minem ende herre .
0,664 uon der heizzen helle
0,665 und uon den wizzen allen .
0,666 daz tuo durch dine gotliche chraft .
0,667 durch din heiliger- grap
0,668 da din lichnam inne lach .
0,669 herre got irhore mich
0,670 an dine genade dinge ich .
0,671 unde an den geist und den sun
0,672 z ivr drier genaden ich chum
0,673 du vater sun und heiligir geist .
0,674 mich solt behuoten allermeist
0,675 von allen minen sunten
0,676 solt du mich herre enbinten
0,677 durch dine genaedichen gaben die ich elliu vermeit .
0,680 sit mich div minen michelen sunden han verleit
0,681 mit werchen unde mit willen
0,682 doch han ich ie den gedingen .
0,683 swie michil diu scult si
0,684 so ist din gnade da bi .
0,685 michil mere so ich
0,686 mich cherte an dich .
0,687 herre christ dv wurde sere gemarterot durch mich .
0,688 naeme den tot uf dich
0,689 mit ganzer divmuote .
0,690 daz wa[...] [...]
0,691 daz du allez manchunne
0,692 naeme du dir herre ane .
0,693 unde den tieuil du bunde
0,694 mit diner gewaltigen hende .
0,695 do taete [...] [...]
0,697 [...] [...] e spartest du daz heilige tor
0,698 [...]heit[...] uor .
0,699 wande er z [...] [...]
0,700 daz sol uns dunchen uil guot .
0,701 Swaz ich sundiger man .
0,702 durch dinen vient [...] [...] habe getan
0,703 daz riwet mich sere .
0,704 nu hilf du herre
0,705 durch daz dine hantgetat .
0,706 der ubele Satanat
0,707 niene uersliche .
0,708 die sele iht verdruche
0,709 [...] [...] beuilhet der min lip .
0,710 ze [...] [...] trohtin .
0,711 swaz ich durch achust .
0,712 unde durch deheiner sunden glust .
0,713 widir dich habe getan .

0,714 daz lazze ubir minen lip gan
0,715 mit iegelicher harmschare .
0,716 daz ich z an miner sele iht gespare .
0,717 swaz du gehengest uber mich .
0,718 herre christ daz lobe ich .
0,719 daz ich an dem urteile .
0,720 nine werde gescheiden
0,721 von dir herre mit gewalte .
0,722 da solt du mich behalten .
0,723 durch dine huote
0,724 vor allem ubirmuote .
0,725 da uon mich herre behuote
0,726 dirre genaden ich dich bitte
0,727 unde diu diuwe sanctam Mariam .
0,728 [...] [...]
0,729 daz si si mit himilischer chraft
0,730 miner sele immir wegehaft .
0,731 un der hilfe si ir bereite
0,732 so si uon dem lichnamen sceide
0,733 Herre vater ewich .
0,734 nu wis mir genaedich
0,735 vergip mir die sunte .
0,736 durch dine urstende
0,737 und durch den wech so here .
0,738 den du z em chriuzze vuore
0,739 ich mane dich diner worte
0,740 du spraeche “nolo mortem .
0,741 peccatoris”
0,742 unde du sagetis
0,743 “ich wil z ware .
0,744 daz er sich bechere”
0,745 swaz ich sundigir man .
0,746 widir dich ie habe getan
0,747 Daz riwet mich uil sere
0,748 hilf daz ich mich bechere .
0,749 Nv uergip mir mine sculde
0,749a unde gip mir dine hulde
0,749b la mich des geniezzen
0,750 daz du dich selben hiezze .
0,751 pastorem bonum
0,752 den guoten hirte uronen .
0,753 Ich volgete dem tieuil nach .
0,754 ich bin daz din irrec scaf
0,755 daz dir was engangen .
0,756 nu wil ich [...] [...]
0,757 wol du heiliger christ .
0,758 du dir min hirte bist
0,759 woldest du des ruochen

Referenzkorpus Mittelhochdeutsch v2.0 (<https://linguistics.rub.de/rem>)

0,808 in einen winchil sich smugen .
0,809 daz machete al din gotheit
0,810 si taten im dehein leit .
0,811 unz du mit Abacuchis brote
0,812 in uon danne erlostest
0,813 Nu bitte ich den herren
0,814 den guoten Danielen
0,815 daz er mir si wegende
0,816 daz ovch du mir sist vergebende
0,817 mines libes sunde .
0,818 die ich in allen stunden
0,819 han gevrumet mit minem libe
0,820 also du taete dem wibe
0,821 div durch ruoge .
0,822 fur dich herre wart gefuoret
0,823 umbe daz du si hiezest steinen
0,824 si zigen si huores eines .
0,825 unde sprachen z ware
0,826 daz si des todes wert waere .
0,827 als iz div alte e gebot
0,828 du lostes si uz michil not .
0,829 do schribe du an der erde
0,830 den Juden unwerde .
0,831 swer ane sunde waere
0,832 daz er des niht uerbaere .
0,833 er ne . wurfe an si einen stein
0,834 do ne was ir aller dehein
0,835 der sich des vermaezze
0,836 eine si si liezzen .
0,837 si cherten alle dannen
0,838 einer nach dem anderen .
0,839 Vnus post unum
0,840 do begunden alle rovnem .
0,841 Do ruwin si ir sunde .
0,842 do uergaebe du ir an der stunde
0,843 durch die dine guote .
0,844 daz si ie gesundote
0,845 do gebiute du ir herre .
0,846 daz si sin nine tate mere
0,847 daz si ir sunden liezze sin .
0,848 do wart si din trutin
0,849 Vaste gelovbete si an dich .
0,850 des antlazzes ger ovch ich .
0,851 des du ir an taete
0,852 durch dine guote
0,853 vro du si liezze
0,854 nu la mich ir geniezzen .
0,855 und Danieles

0,856 dines wissagen heres .
0,857 unde diner scalch aller
0,858 die du erlostest uon der helle .
0,859 unde gebiut herre sant Michahеле .
0,860 daz er nere mine sundige sele
0,861 daz er si bringe .
0,862 so si gesceide hinnen
0,863 in den barn Abrahemes .
0,864 durh dine drie namen Amen Amen